

Давлат солиқ қўмитаси раиси ўринбосари Ж.Абдиевнинг фаолият самарадорлиги ҳамда мақсадли вазифаларга эришишини баҳолашнинг АСОСИЙ МЕЗОНЛАРИ

(Солиқ солиш методологияси масалалари)

Солиқ қонунчилиги нормаларини бир хилда қўлланилишини таъминлаш бўйича тушунтириш ишларини олиб бориш

Ўзбекистон Республикасининг “Солиқ маъмуриятчилиги такомиллаштирилиши муносабати билан ўзбекистон республикасининг айрим қонун ҳужжатларига ўзгартиш ва қўшимчалар киритиш тўғрисида”ги ЎРҚ-758-сонли қонуни билан солиқ қонунчилигига киритилган ўзгартиришлар тўғрисида оммавий ахборот воситаларида ёритилди.

Жумладан, ушбу Қарор билан солиқ қонунчилигига киритилган ўзгартиришлар бўйича Қўмита томонидан “Ўзбекистон - 24” телеканалда ва “Ўзбекистон” радиосида чиқишлар қилинди.

Шунингдек, қарорлар ижроси юзасидан Қўмитанинг ижтимоий тармоқлардаги (телеграм, фэсбук, инстаграм, твитер) саҳифаларига маълумотлар жойлаштирилди.

Мазкур Қонунининг мазмун ва моҳиятини ҳамда унда белгиланган маҳаллий давлат органларининг ваколатлари ва мажбуриятларини фуқароларга, тадбиркорлик субъектлари вакиллари, корхона ва ташкилотлар раҳбарлари ҳамда бухгалтерларига етказиш бўйича Тошкент шаҳрида ҳамда Тошкент вилоятида семинарлар ташкил этилди.

Ижтимоий тармоқлар орқали йўлланган 142 та саволларга тезкор жавоблар тайёрлаб, муаллифларга етказилди. Бундан ташқари, Қўмитага келиб тушган 167 та солиқ тўловчиларнинг мурожаатлари кўриб чиқилиб, муаллифларга жавоб хатлари юборилиши таъминланди.

Ўзини ўзи банд қилган ходимларни солиқ органларида ҳисобга олиш

Аҳолини тадбиркорликка янада кенг жалб қилиш орқали ўзини ўзи банд қилган шахсларни солиқ органларида ҳисобга олиниши юзасидан амалга оширилган ишлар натижасида ўтган 2022-йил давомида **342,3 минг нафар** фуқаролар ўзини ўзи банд қилган шахс сифатида солиқ органларида ҳисобга олиниши таъминланди.

Жумладан, Ижтимоий йўналишлар бўйича хизматлар (*Уйда репетиторлик қилиш, болаларга қараб туриш ва уларни парвариш қилиш, уй хўжалигини юритиш, хоналарни тозалаш, халқ таъбири, ҳамширалик иши*) **40,8 минг нафар**, Саноат йўналиши бўйича хизматлар (*Ёғоч меъморчилиги, сантехника хизмати, электр монтаж ишлари, макулатура, пластик идиш, темир терсак тўплаш ва қўшимча хомашё тўплаш*) **54,8 минг нафар**, Қишлоқ хўжалиги йўналиши бўйича

хизматлар (*Чорва молларини ўтлатиш, уларни парвариш қилиш, қишлоқ хўжалик ўсимликларини экиш ва парвариш қилишда томорқа эгаларига ёрдам бериш*) **160,8 минг нафар**, Ахборот коммуникация йўналиши бўйича хизматлар (*Ижтимоий тармоқлардаги фаолият, дастурий таъминот, мобил иловалар ва веб сайтларни ишлаб чиқиш, матнни яратиш ва ишлов бериш*) **5,6 минг нафар**, Маиший хизматлар (*Сартарошлик, маникюр, косметолог, педикюр, уйда кир ювиш ва дазмоллаш, калитлар тайёрлаш, поябзал тикиш, таъмирлаш ва бўйаш хизматлари*) **62,8 минг нафар**, Халқ истеъмоли моллари ишлаб чиқариш ва хизматлар кўрсатиш (*Нон, уйда поп-корн, музқаймоқ, салатлар, салқин ичимликлар, айрон, гўжа ҳамда деҳқон бозорлариша қишлоқ хўжалиги маҳсулотларини сотиш*) **17,5 минг нафар** аҳоли бандлиги таъминланди.

Шунингдек, 2022 йилнинг 1-апрел ҳолатига **108 минг нафар** аҳоли томонидан **27 926,4 млн.сўм** ижтимоий солиқ суммаси тўлаб берилган.

Солиқ мажбуриятига эга бўлган юридик шахслар томонидан солиқ ҳисоботларини топширилишини мониторинг қилиб бориш

2022 йил февраль ойи учун ҳисобот топшириш мажбуриятига эга бўлган юридик шахслар томонидан қўшилган қиймат солиғи, акциз, фойда, айланмадан олинadиган солиқ, жисмоний шахслардан олинadиган даромад солиғи ва ер қаъридан фойдаланганлик учун солиқ ҳисоботларини тақдим қилиниши таҳлил қилинганда қуйидагилар аниқланди.

Айланмадан олинadиган солиқ ҳисоботини республика бўйича **269,7 мингта** корхонанинг **1,1 мингтаси (0,4%)** тақдим қилмаган.

2022 йил февраль ойи учун **ҚҚС бўйича** ҳисобот тақдим этилиши лозим бўлган **147,0 мингта** корхонадан **1,128 таси (0,8%)** ҳисобот тақдим қилмаган.

Фойда солиғи бўйича ҳисобот тақдим этилиши лозим бўлган **143,7 мингта** корхонадан **1,6 мингтаси (2,1 %)** ҳисобот тақдим қилмаган.

2022 йил **март ойи** учун **жисмоний шахслардан олинadиган даромад солиғи** ҳисоботини топшириш мажбуриятига эга бўлган **512,8 мингта** юридик шахслардан **345,3 мингтаси (67,3 %)** ҳисобот тақдим қилмаган.

Шунингдек, **Республика бўйича 202 та туман ва шаҳарларда** ҳисобот топширмаган корхоналар **50 фоиздан кўпни ташкил қилади.**

Жумладан, Тошкент вилоятида 22 та, Фарғонада 19 та, Қорақалпоғистон Республикасида 17 та, Андижонда 16 та, Самарқандда 16 та, Сурхондарёда 15 та, Қашқадарёда 15 та, Бухорода 12 та, Наманган ва Хоразм вилоятларида 12 тадан, Жиззах ва Навоий вилоятларида 11 тадан, Тошкент шаҳрида 12 та туман ва шаҳарлардан **ҳисобот топширмаган корхоналар сони 50 фоиздан кўп.**